

Nawaaqidh-ul-Islaam

[Mambo yanayotengua Uislamu]

Mwandishi:


Imaam ‘Abdul-‘Aziyz bin ‘Abdillaah bin Baaz

Tarjama:

Abu Bakr Khatwiyb al-Atrush

YALIYOMO:

00. Utangulizi wa "Nawaaqidh-ul-Islaam"	3
01. Kumshirikisha Allaah katika ‘ibaadah yake	4
02. Kuweka wakati na kati na kuwafanyia ‘ibaadah.....	5
03. Mwenye kutilia shaka ukafiri wa makafiri.....	6
04. Mwenye kuipa kipaumbele hukumu au uwongofu usiokuwa wa Mtume (‘alayhis-Salaam).....	7
05. Mwenye kuchukia kitu katika Shari‘ah	8
06. Mwenye kufanyia mzaha kitu katika dini.....	9
07. Mwenye kufanya au kuridhia uchawi	10
08. Kuwasapoti na kuwasaidia makafiri dhidi ya waislamu	11
09. Mwenye kuchukua dini isiyokuwa ya Kiislamu	12
10. Mwenye kuipuuza dini	13
11. Muislamu anatakiwa ayaogope mambo haya.....	14
12. Mwenye kuonelea kuwa Shari‘ah ndio sababu ya waislamu kuwa nyuma na haiendani na wakati wa sasa.....	15
13. Mwenye kuonelea kuwa kumpiga mawe mzinifu na kukata mkono wa mwizi ni jambo limepitwa na wakati.....	16
14. Mwenye kuitakidi kuwa inajuzu kuhukumu kinyume na Shari‘ah.....	17



00. Utangulizi wa "Nawaaqidh-ul-Islaam"

Ndugu muislamu! Tambua ya kwamba Allaah (Subhaanah) amewajibisha juu ya viumbe wote kuingia katika Uislamu na kushikamana nao na kutahadhari na yenye kwenda kinyume nao. Amemtuma Mtume Wake (Swalla Allaahu ‘alayhi wa sallam) kulingania katika hilo. Ameeleza (‘Azza wa Jall) ya kwamba yule mwenye kumfuata ameongoka na mwenye kumpa mgongo amepotea. Ametahadharisha katika Aayah nyingi sababu za kuritadi na aina nyinginezo za shirki na kufuru.

Wanachuoni (Rahimahumu Allaah) pia wametaja katika mlango: "Hukumu ya mwenye kuritadi" ya kwamba muislamu anaweza kuritadi kutoka katika dini yake kutokana na aina mbali mbali ya mambo yanayotengua Uislamu ambapo inakuwa ni halali kuuawa na mali yake kuchukuliwa, kwani anakuwa ametoka katika Uislamu.

Miongoni mwa mambo ya khatari na yanayotokea kwa wingi ni mambo kumi. Tutakutajia nayo kwa dhumuni ya kutahadhari nayo na wewe utahadharishe wengine ili wasalimike nayo. Katika kila kitengo tutataja maelezo kidogo baada yake.

01. Kumshirikisha Allaah katika ‘ibaadah yake

Mosi: Kumshirikisha Allaah katika ‘ibaadah yake. Amesema (Ta‘ala):

إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ

"Hakika Allaah hasamehe kushirikishwa; lakini anasamehe yasiyokuwa hayo kwa Amtakae." (04:116)

إِنَّهُ مَنْ يُشْرِكْ بِاللَّهِ فَقَدْ حَرَّمَ اللَّهُ عَلَيْهِ الْجَنَّةَ وَمَأْوَاهُ النَّارُ ۚ وَمَا لِلظَّالِمِينَ مِنْ أَنْصَارٍ

"Hakika mwenye kumshirikisha Allaah bila shaka Allaah atamharamishia Pepo na makazi yake yatakuwa ni Motoni. Na madhalimu hawatopata mwenye kunusuru yeyote." (05:72)

Miongoni mwa hayo ni pamoja na kuwaomba maiti, kuwataka uokozi, kuwawekea nadhiri na kuchinja kwa ajili yao.

02. Kuweka wakati na kati na kuwafanyia ‘ibaadah

Pili: Mwenye kuweka baina yake yeye na Allaah wakati na kati akawa anawaomba, kuwaomba uombezi na kuwategemea. Mtu huyo amekufuru kwa maafikiano.

03. Mwenye kutilia shaka ukafiri wa makafiri

Tatu: Yule asiyewakufurisha washirikina au akatilia shaka juu ya ukafiri wao au akaonelea kuwa madhehebu yao ni sahihi anakufuru.

04. Mwenye kuipa kipaumbele hukumu au uwongofu usiokuwa wa Mtume (‘alayhis-Salaam)

Nne: Mwenye kuamini kuwa kuna uwongofu ulio mkamilifu zaidi kuliko wa Mtume (Swalla Allaahu ‘alayhi wa sallam) au akaonelea kuwa kuna hukumu bora zaidi kuliko hukumu yake (Swalla Allaahu ‘alayhi wa sallam). Kwa mfano wale wenye kuzipa kipaumbele hukumu za *Twawaaghiyt* juu ya hukumu yake (‘alayhis-Swalaatu was-Salaam) ni kafiri.

05. Mwenye kuchukia kitu katika Shari‘ah

Tano: Mwenye kuchukia kitu katika yale mambo yaliyokuja na Mtume (Swalla Allaahu ‘alayhi wa sallam) - hata kama atafanya kitu hicho - amekufuru. Amesema (Ta‘ala):

ذَلِكَ بِأَنَّهُمْ كَرِهُوا مَا أُنْزِلَ اللَّهُ فَأَخْبَطَ أَعْمَالَهُمْ

"Hivyo ni kwa sababu kuwa wao wameyachukia yale aliyoyateremsha Allaah, basi ameyaporomosha matendo yao." (47:09)

06. Mwenye kufanyia mzaha kitu katika dini

Sita: Anayefanyia mzaha kitu kilichoko katika dini ya Mtume (Swalla Allaahu ‘alayhi wa sallam), thawabu au adhabu yake amekufuru. Dalili ni maneno Yake (Ta‘ala):

قُلْ أِبَاللَّهِ وَآيَاتِهِ وَرَسُولِهِ كُنْتُمْ تَسْتَهْزِئُونَ لَا تَعْتَذِرُوا قَدْ كَفَرْتُمْ بَعْدَ إِيمَانِكُمْ

"Sema: Hivi kweli mlikuwa mnamfanyia mzaha Allaah na Aayah Zake na Mtume Wake?" Msitoe udhuru. Mmekwishakufuru baada ya kuamini kwenu." (09:65-66)

07. Mwenye kufanya au kuridhia uchawi

Saba: Uchawi. Miongoni mwao kunaingia pia *Swarf* na *‘Atwf*. Mwenye kuufanya au akaridhika nao anakufuru. Dalili ni maneno Yake (Ta’ala):

وَمَا يُعَلِّمَانِ مِنْ أَحَدٍ حَتَّى يَقُولَا إِنَّمَا نَحْنُ فِتْنَةٌ فَلَا تَكْفُرْ

**"Na [hao malaika wawili] hawamfundishi yeyote mpaka wamueleze:
"Hakika sisi ni mtihani, basi usikufuru [kwa kufanya uchawi]." (02:102)**

08. Kuwasapoti na kuwasaidia makafiri dhidi ya waislamu

Nane: Kufanya urafiki na makafiri, kuwasapoti na kuwasaidia dhidi ya waislamu. Dalili ni maneno Yake (Ta‘ala):

وَمَنْ يَتَوَلَّهُمْ مِنْكُمْ فَإِنَّهُ مِنْهُمْ ۚ إِنَّ اللَّهَ لَا يَهْدِي الْقَوْمَ الظَّالِمِينَ

"Na yeyote atakayewafanya urafiki na wao basi hakika yeye ni miongoni mwao." (05:51)

09. Mwenye kuchukua dini isiyokuwa ya Kiislamu

Tisa: Mwenye kuamini kuwa wapo watu wenye haki ya kutoka katika Shari‘ah ya Muhammad (Swalla Allaahu ‘alayhi wa sallam) ni kafiri. Amesema (Ta‘ala):

وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِينَ

"Na yeyote anayefanya dini isiyokuwa ya Kiislamu basi haitokubaliwa kwake; naye katika Aakhirah atakuwa miongoni mwa waliokhasirika." (03:85)

10. Mwenye kuipuuza dini

Kumi: Mwenye kuipuuza dini ya Allaah kwa njia ya kwamba mtu akawa hajifunzi nayo na haitendei kazi. Dalili ni maneno Yake (Ta‘ala):

وَمَنْ أَظْلَمُ مِمَّنْ ذُكِّرَ بِآيَاتِ رَبِّهِ ثُمَّ أَعْرَضَ عَنْهَا ۚ إِنَّا مِنَ الْمُجْرِمِينَ مُنتَقِمُونَ

"Na nani dhalimu zaidi kuliko yule anayekumbushwa Aayah za Mola wake, kisha akakengeuka nazo [kuzipuuza]? Hakika Sisi Tutawalipiza wahalifu." (32:22)

11. Muislamu anatakiwa ayaogope mambo haya

Katika mambo yote haya yanayotengua Uislamu hakuna tofauti kati ya anayefanya mzaha, anayemaanisha kweli na mwenye kuogopa. Isipokuwa tu yule mwenye kutenzwa nguvu. Yote haya ni miongoni mwa mambo yanayokuwa ya khatari na kutokea mara nyingi.

Inatakikana kwa muislamu atahadhari nayo na ayaogope juu ya nafsi yake.

12. Mwenye kuonelea kuwa Shari’ah ndio sababu ya waislamu kuwa nyuma na haiendani na wakati wa sasa

a) Kunaingia katika kigawanyo cha nne: mwenye kuamini kuwa nidhamu na sheria za binaadamu zinazotungwa na watu ni bora kuliko Shari’ah ya Uislamu, akaonelea kuwa Shari’ah ya Kiislamu haifai kutendewa kazi katika karne ya ishirini, akaonelea kuwa Shari’ah ya Kiislamu ndio sababu ya waislamu kuwa nyuma au akaonelea kuwa Shari’ah ya Kiislamu ikomeke tu na mafungamano kati ya mtu na Mola Wake pasi na kuingilia mambo mengine ya maisha ya mtu.

13. Mwenye kuonelea kuwa kumpiga mawe mzinifu na kukata mkono wa mwizi ni jambo limepitwa na wakati

b) Kunaingia katika kigawanyo cha nne vilevile: mwenye kuonelea kuwa utekelezaji wa hukumu ya Shari‘ah katika kukata mkono wa mwizi au kumpiga mawe muoaji/muolewaji ni jambo haliendani na wakati wa sasa.

14. Mwenye kuitakidi kuwa inajuzu kuhukumu kinyume na Shari’ah

c) Kunaingia katika kigawanyo cha nne pia: kila mwenye kuitakidi kuwa inajuzu kuhukumu kinyume na Shari’ah ya Allaah katika mambo ya kijamii, adhabu ya Kishari’ah na mengineyo. Haijalishi kitu hata kama hatonelea kuwa kufanya hivo ni bora kuliko hukumu ya Shari’ah. Kwa sababu kwa kuitakidi hivyo atakuwa amehalalisha kitu kilichoharamishwa na Allaah kwa maafikiano [ya wanachuoni wote]. Kila ambaye anahalalisha kitu kilichoharamishwa na Allaah miongoni mwa mambo ambayo yanajulikana fika katika dini - kama uzinzi, pombe, ribaa, hukumu kinyume na Shari’ah - ni kafiri kwa maafikiano ya waislamu.

Tunaomba kinga kwa Allaah kwa yale yanayosababisha khasira Zake na adhabu Yake kali.

Swalah na salaam zimwendee kiumbe chake bora Muhammd, kizazi chake na Maswahabah zake.